



汪瀚

讀芝巖先生遊韜光詩不禁神往賦此以步後
塵

何妨登絕頂俯視最高峯霞氣盈丹檻僊音接梵鐘
溪深龍出沒閣靜鶴從容我欲尋王子相期餐碧松
郁且彬

昔人屐齒所至輒有題咏韜光名勝甲於浙中
顧不肯越西子湖一步地徒令作臥遊也亦可
矣漫賦一律以當幽尋

高嶺嗟峩倚碧空禪關幽寂俯諸峯登臨恍若居蓬
島眺望還疑接岱封何處飛來靈鷲石幾回吹落梵
王鐘韜光自古稱名勝一壑泉聲萬樹松

屠粹忠

春暮遊韜光

絕壁摩霄百尺懸僊宮石冷澹生烟馮夷鼓奏呼龍
出雲母床閒伴鶴眠江艇遙通溪外路湖光暗逗水
中天何年採藥窺丹灶擬服松脂招僊仝

宋琦

和香山韻

携杖尋幽勝雲深別有家野橋低渡澗危石故穿花
厨乞燈前火蔬添雨後芽三生應有約試取趙州茶

姚景崇

遊韜光

策杖韜光境千盤曲徑探江湖時帶雨海氣晚生嵐
樓閣山腰出禽魚鏡裏涵坐看噴法乳玉鯉苔同叅
茗南沈上壩

寄題

竹色照人碧韜光磴路長一泉散花雨千寺引冰霜
川正湖流白天晴海氣黃我行曾未到夢此亦蒼涼
厭明朝仍踏翠峯來

沈 涵

遊韜光題

陸光旭

遊韜光

松徑盤雲入峯迴竹院通閣懸修樹裡茶熟野花中

藜杖追僊侶柯枰對遠公忽聞黃鶴唳鐵笛下天風
張一鵠

丙午子月朔日過韜光

仲冬朔氣到林丘喜得晴光策勝遊佛湧金蓮開淨
域山韜慧嶠抱清流登樓滄海連峯遠倚檻澄潭繞
竹幽扶杖已疲餘興在攀藤足底亂雲浮

張 愬

和韜公韻二首

晨登幽嶺候新泉山寺聞鐘早破眠但有殘碑尋白

傅恨無佳句敵青蓮微茫不辨雲成海縹緲纔分水
接天覽勝豈堪當日事攀藤獨竚老松前

旋汲高林一勺泉半椽辜負讓雲眠經過怒石生新
筴望去遙峯湧異蓮最此論心松頂處那堪分手澗

西天客中送客韜光路是日祀公先
別余之茗上惆悵臨風不肯

前

周斯盛

辛丑冬初曉登韜光同張僧持獨任善辭兩師

用舊韻

每到山頭輒問泉泉流不見昔人眠身當高處孤於
石日在烟中散作蓮邀侶有僧都是客空樓無葉獨
留天眼看曲徑幽如此但許烏啼霜色前

丙午新秋重過韜光再成

半鞋連日問山泉爲愛松聲不愛眠秋色欲來先到
樹湖光一半尙歸蓮重過舊地思良友

辛丑秋抄與
張僧持同遊

讀罷遺碑向碧天白傅只今猶在不森森蟬響暮烟

前

戊辰三月三日復過韜光信筆成詩以紀歲月

春風依舊煥飛泉老怯登山到卽眠樹葉碧於彭蠡
月湖烟佳似華峯蓮漫隨世俗尋幽地歷數交游已
隔天獨有山僧猶識舊開軒邀我坐巖前

松陵潘 耒

乙丑冬夜宿韜光作

招提宅山巖而有清泉瀉濤聲亂陰晴瀑勢無冬夏
殿門俯層巒萬象森在下湖帆拂林空海日升巖罅
我來歲已晚楓菊猶未謝白石淨可餐流雲駛堪駕
浮生如窻塵幾時得休暇遇坎且當止苧齋儻能借

嗜奇夙成癖逢山必真搜捫蘿晚來登愛此景色幽
巖壁如故人冷峭與我謀十年始再至所嗟歲月遒
山僧能好事燒笋沽新芻出詩過百幅雅俗頗兼收
時時遇名賢隻字珊瑚鈎風湍響終夜疎雨時灑樓
神清不可寐似枕空灘流萬事足欣厭塵境有去留
誰爲洗心人可與濠濮遊

中宵雨作不果出山口占三律

山行晴忽雨小住亦爲佳瀑怒欲崩屋雲寒時墮懷
巖松便靜坐煮蕨稱清齋豈必吾廬好巖棲願始諧

遊速每多悔何妨信宿停山宜雨餘看泉愛夢中聽
洗硯池光活翻書燭燼零枯藤與危石相對喜忘形
百年元逆旅天地亦浮槎一到不爲客高眠卽是家
榮枯碁作劫聚散瀑成花汨汨緣何事勞生只自嗟
山止上人見和新詩重贈一律

軒軒出羣鶴擊鉢復能詩解作各山主無勞俗客知
寒山麤亦好石屋老能奇透得聲前句縱橫更不疑

又贈山止二絕

太守招時不下山韜光標格在人間阿師有意離塵

滓飛瀑聲中好閉關

瀑泉說盡無生話札札琮琤自古今着意聽來無會
處一鈎涼月印潭心

將出山留別一首

一雨留三日看山眼特青題詩成巨卷飲酒竭長瓶
惜別愁天霽貪來覺地靈冷泉如有意相送過前亭

華亭陸祖修

登韜光

靈山一住便依依到處難教齒屐稀路入層霄人語

寂天臨斷壑水雲微詩因調古僧留帖茶爲泉清客
歛扉雨歇不嫌登歷久樹巔又見濕鴉飛

陸 棻

丙寅三月登韜光次香山韻

屢泛滄波宅還尋白石家雲蹤深護徑泉響靜浮花
玉笋應叅版金鉛不鍊芽肯留筇客住學製社前茶

又題二絕

山靄霏霏水霧平春寒三月未聞鶯何時襍被樓頭
宿放眼橫看海日生

窻開竹杪綠烟齊池上山梅幾樹低祇爲看花破詩
戒野航不必向西溪

淶溪徐 介

和仲中甸偕友三宿韜光山房追和白刺史原
韻二首

禪房來勝友旅興慰無家習靜山當戶聞香桂吐花
人情難曠達俗念易萌芽轉覺流泉好閒吟且啜茶

何人能遁世之子解離家

時許大悔齋自海昌避跡於此夜夜山宜

月年年秋有花晴霞臨曉湧衰草到春芽好醉陶潛

酒還須陸羽茶

施相

八月望嶽光夜集赤玉上人復邀許宋秦三子
往冷泉亭余兩人體倦而止許子限韻索詩各
成一律

山行隨處挹秋光曳杖歸來已夕陽四座論心邀月
影幾回搔手覺花香偶然雨過輕沾席依舊雲開漫
舉觴遙想冷泉亭上客翩翩幽興滿林塘

徐介

和前題

中秋明月隱高天把酒裁詩逸興偏美爾携筇亭畔
去笑余憇几竹間眠何來細雨侵衣袂莫使寒雲覆
澗泉一片山光時掩映須知兩地待嬋娟

秦雲爽

癸亥中秋海昌許子悔齋靜攝韜光余與諸友
過訪

韜光信幽邃岩壑鬱崢嶸荏苒久不至年華竟屢更
今秋值良友先我已誕登同人競鼓舞緬想追嚶鳴

窈窈皆竹色潺潺惟水聲已足移人意蕭然遠俗情
扶筇陟絕巘遐舉身爲輕江湖何浩渺日月互虛明
天籟有時寂嗒焉欲忘形浮華何足戀塵世何足縈
吾欲從茲逝高歌凌太清

吳正名

同西陵諸君子訪許悔齋於韜光菴作

良辰生好懷駕言遊空谷山深日有無境僻雲斷續
亂石封古藤寒崖引脩竹路循欄際轉泉落籬根曲
淺池冷鬚眉高閣舒心目隱君偶棲遲同人展私祝

是月二日爲悔齋先生六十誕辰畏人稱
觴避跡於此諸君子以中秋玩月見意

餽餽間園

栗脯脩雜野菽殷勤各提携纖微見真樸山僧亦清
曠相對殊不俗階墀就蟾蜍益在盛醞醪涼飈拂座
隅輕靄蔽巖麓醉醒渾相忘安問世清濁長嘯向高
空驚起幽禽宿

沈誕登

同友抵韜光訪許悔齋夜飲卽事

鷲峯鬱巉巖羣山互攢簇松檜何蒼蒼洞壑少樵牧
緣流任游衍瞻眺娛心目香刹半叅天虛亭傍林麓

一徑上雲梯攀陟尋高築池邊小石龍口吻瀉泉瀑
有客避煩囂孤踪憇幽谷靜坐聽江濤蚤起觀晴旭
倦矣擁卷眠興到臨棋局吾儕五六人携酒就君宿
清談屢勸酬懽笑情偏薦涼風吹我衣桂枝氣方馥
華月出雲端奚必燃銀燭良會期百年醉此杯中綠

海昌許植

家君素耽岑寂茲當六十初度極欲尋訪三茅
問先淮南遺蹟因病中阻頗思飛來靈鷲諸峯
秋光如洗爰假韜光精舍靜坐匝月植兄弟不

得走侍晨夕述事六首

歲律旋更甲子春曾無菽水奉嚴親但看叢桂年年
在香滿柴門花又新

三茅有願到於今只爲淮南遺愛深咫尺洞天渾不
易勸親遲日好追尋

句曲三峯暫駐行且從鷺嶺一陶情角巾聯步飛來

路喜共平時舊友生

全業師陳惕
非先生入山

韜光精舍插高雲石磴攀躋慮太勤幸遇香厨不禁
酒夜來細酌自含醺

山止交情物外敦爲予掃閣代晨昏遙知靜對無他
事忠憲詩篇細細讀高忠憲曾寓此有靜坐說古詩二章

秋宵忽聚少微星古木寒泉月滿亭爲謝羣公多載

酒高歌此夕問誰醒河渚諸隱君約中秋載酒入山

中州崔干城

讀鷓鴣林同東航子題韜光詩次之

揮塵雄談響振雷蓮峯八面偏人開松風窻下鳴高

調記得前年有鶴來東航子善七絃鷓鴣林於丙午二促石樓石龍濺雨

不成雷流出靈峯一鑑開贏得西湖照鬚髮憑教歌

舞應山來

施相

同友人過韜光追和香山韻

尋秋閒策杖迤邐到山家竹覆陰疑雨泉流瀑作花

栽蓮追白社煮石養黃芽菴有片祖像故云頓覺塵紛遠臨

池漫品茶

到此應忘世何須復戀家人閒山愈靜秋晚草多花
老桂偏宜子寒梅亦漸芽主僧能愛客炊飯更烹茶

丁灝

壬戌六月二日同劉天木遊韜光三首

雨餘溪浩蕩絕巘怯微行莫辨山深路惟尋鐘磬聲
江遠峯頭見雲間木末平爲嫌遊展到山亦欲逃名
萬岩蒼翠擁此境豈人間忽有山童報松梢白鶴還
劉振鐸

遊韜光步丁勗菴韻三首

初地金蓮湧新晴挈伴行山光看不盡隱隱聽泉聲
江湖日在眼曲磴與雲平一徑鳥啼處溪花不辨名
何必桃源住幽奇只此間笑看人事擾松靜鶴飛還

程謨

登韜光作

遠岫高雲外登臨萬古情名山多唱和古刹少逢迎
坐石聽泉細微風引竹輕頓忘歸騎切搔首漫移枰

沈賦

夜集飛雨亭

人望千山靜烟橫洞壑封泉聲流夜月風籟雜疎鐘
酒共亭中席雲浮江外峯友生情倍切沉湎話偏濃

閩中王國璽

癸亥秋仲題韜光菴

靈山幽討北峯偏舊隱韜光已有年來澗脩篁迷鳥
道雙流一鉢貯龍天仙人寄跡曾畱洞佛子流香尙
有蓮坐久秋聲歸石壑頻添落籜煮清泉

胡脩禱

韜光卽事

爲有登臨興何辭蠟屐遊清歌山嶂曉狂嘯海門秋
蘿薜交加處烟霞最上頭泉聲清入耳不忍下重樓
昭陽李泓

己未新秋過韜光和香山韻

登嶂藏危磴天然開士家境幽疑出世香過不知花
古碣傳唐句金蓮發舊芽移情看墨妙石火供新茶
蘭陵吳成綬

遊韜光作

數椽精舍翠微巔闢自香山守郡年徑折幾層藏在
寺竿橫百道遠迎泉千峯夾峙奇非一一澗中流曲
百千啼碧鳥棲全不見落紅樹覆久仍鮮聽疑濤怒
長松響望擬雲興惟石聯貪步却忘身疾上回頭忽

訝趾空懸磴紆莫定東西境竹盡方知晴雨天大吠
足音僧出蕭檻稀塵跡僕偷眠滄江樓外遙翻浪小
沼窻前靜吐蓮吟罷藤花明月句高風如對主賓賢
關里顏光敏

庚申初夏遊韜光菴

青山靜夕氣遊子若乘空仰觀飛瀑流疑與銀河通
曲磴緣秋豪高檻排琳宮久厭竹林密豁然出樊籠
江流外蕩瀟湖光內冲融吳山成島嶼天矯浮富中
烏雀相呼歸幽棲誰與同長歌睨故鄉日落烟濛濛

靜海高緝睿

遊韜光二首

數里披雲入松蘿接翠微到門青不了傍舍水還飛
野曠江湖小山高鶴鶴稀暝烟沉萬壑坐久澹忘歸
更上維摩室千尋鳥道盤捫蘿登石磴藉草坐危欄
雲護衣裳濕身臨星斗寒吳山與越水歷歷眼前看

遼陽佟世思

辛丑夏日遊韜光菴詩二首

曲磴千尋樹杪分筍輿行處逐朝昕蒼茫海氣初陽

上縹緲鐘聲下界聞石榻靜當谿繞座葛衣涼覺寺
生雲十年不洒千戈淚可許深山放鹿羣

平生傳說此韜光策杖於今到上方過眼滄桑遺舊
寺萬家烟樹見錢塘山中洞冷不生草竹裏樓空亂
夕陽歷歷晨鐘與暮鼓竟無好夢付黃梁

祠祀呂祖故云

景融

遊韜光

登巔極目望嘯咏興偏賒大海浮明鏡長江走白沙
鳥啼幽竹暗僧語亂烟遮策杖歸來晚林深落日斜

智珠

遊韜光

結伴閒尋勝韜光境獨深天風幽入座江海細穿林
坐久忘塵市談高見道心不期樵牧者畱得此清陰

禾城李登瀛

韜光自丙子發洪閱四十五載迄今庚申水復
衝決九秋同家平原姪重遊溪流雖微泉源如
故山止上人出古今題咏冊索筆聊述數言以
誌其事云

探幽上韜光去天疑近咫尺路盤石磴危引泉穿竹裡
丹閣俯羣峯蒼茫遙可指吳越望中收江流一線耳
閣傍古龍湫滴水清且泚懸流絕壑間淙淙響宮徵
今來沙石壅澗涸因洪水我爲叩山靈此水緣何起
山靈告我言欲洗凡俗恥自從闢幽徑塵跡常到此
厭彼煩囂久蕩滌返其始屈指昔汎濫四十五年矣
運會適循環洪流復爾爾存我清虛真濯彼塵俗滓
玉澗更澄泓龍首還翹頰謂我所聞謬盍往問山止
李元堯

重遊韜光用家叔韻

春日記曾遊夢寐嘗相企荏苒忽秋暮重過訪山止
會當洪汎後恠石多崩圯澗涸壅沙白携筇轉遙指
松篁夾古道飛閣危然峙一望江山盡置身圖畫裡
坐我泉上亭一泓堪洗耳下方支水流發源從此始
對此俗慮捐烹茶譚妙理拂石當几案更出縹緗視
古今往來人題詠俱畱此如入琳琅圃披閱不能已
我更有所重端在人品爾昔賢垂翰墨觀之肅然起
良久意忘歸揮毫紀所以再訂後遊期不忘佳山水

汪光被

九日偕王友陶宿韜光山房

尋菊來山寺蕭條醉濁醪百年逢令節此日獨登高
雨洗一林月風生萬壑濤尊前欹阜帽短髮不勝搔

吳門姚 積

庚申春杪遊韜光

西湖何溶溶山水多佳氣凭欄思渺然簫鼓盈耳沸
回首望長空長空迷雲樹中有數峯青青如螺髻
對此神飛揚携筇陟幽處鷺嶺鬱峇峇飛峯插奇異

登臨興未窮更探韜光地絕徑何逶迤偪仄山逾邃
漱壘入雲峯雲峯轉蒼翠春泉曲折流松風謾謾至
琅玕百尺長扶疎拂天際中有靜者居相見情相契
坐我澗水傍餉我笋蕨味示我古人詩問我今人句
披閱開心顏貺我平生趣愧無黃絹辭答此主人意
徘徊興轉親日落千山晦歸路何蒼茫烟雲襲衣袂
長嘯海天遙清風來薜荔

黃 機

甲寅冬月登韜光菴二首

避世不厭深幽棲遠塵築高巒看雲低新雨如山沐
竹色掩茅簷泉聲繞崖屋曳履獨扣門傳音在空谷
籃輿訪惠遠蓮社不聞鐘落照分林影霜威勁壑風
魚閑喜近客葉老尙畱紅策杖開雲路禪心與境通
華州羅賢

遊韜光

蘭若靈峯外烟霞自古今白雲迷遠岫初日照寒林
鶴自香臺下廳棲佛閣深偶來尋勝跡不覺引禪心

汪東山

遊韜光作

韜光真上乘構宇鷲峯巔鳥道森篁裏龍池古桂邊
石根晴似雨湖影曉如烟莫謂香山樂從師結後緣
汪夢張

和白香山韻

不登靈鷲頂何處覓仙家高嶺雲鋪嶂枯枝雪作花
翠寒搖薜影香冷透蘭芽得句情超越村沽少勝茶

沈三宋

春暮同友過韜光漫成二首

尋山興未已冒雨到韜光曲徑穿脩竹流泉冷石房
高僧無世法野客但疎狂不是耽幽僻雲深歸路忘
連宵靈隱宿又上白雲巔絕澗過危石當窻落冷泉
去深山更靜坐久客皆仙勝地應難到相期一月還
崇溪吳培昌

辛亥夏五過韜光題壁

曾到此今復叩山屏風過涼生樹雲深綠近衣
半隨路折孤鳥傍天飛不盡登臨興悠然對落暉
生賓

遊韜光

欲覓韜光路峇堯逕轉深暮雲浮嶺外疎雨冷江心
落水驚棲鳥寒泉漱石琴此中通帝座長嘯對松陰
無名氏

己未深秋同遊韜光口占題壁

夙慕靈峯最上臺携僧拉友共徘徊真人何處堪追
仰一片寒潮逐望來

菰城李 璞

得烟字

穿雲攀石磴臺殿近諸天坐嘯來清磬談玄落暗泉
松篁浮夕照島嶼接長烟不覺身無着翛然空世緣
吳興陳時化

得窮字

半嶺秋風古桂空梵宮烟靄洞天窮山環練影寒潮
外磬咽泉聲亂竹中下界長松雲共滅北高孤塔逕
微通到來欲訪韜光地其奈塵緣促去筇

廣平程原

得潮字

天風拂拂桂香飄夾道松筠路轉遙入座泉聲清俗
耳襲衣空翠滌塵囂霏霏遠岫浮晴靄渺渺澄江落
暮潮爲問純陽回道者可能容我挂詩瓢

吳郡朱文

得鳴字

萬峯空翠落霞明絕澗嵐烟樹色晴夕殿蛩音凄竹
徑暮江鴻影帶秋城好叅玄語求仙藥纔出紅塵斷
俗情便擬挂瓢聞洞壑莫教漏盡與鐘鳴

烏程莊士元

得中字

山廻百折宵冥中
挈伴躋攀到梵宮
觸處烟嵐秋著
色隔林鐘磬夜談空
亭臺半出諸天上
島嶼遙連碧海東
吟罷夢生遺世意
飄然我欲御長風

普陀釋如弘

得寒字

州濤渺渺總空緣
遠挾江雲當羽翰
夢去旃林方夕
定香飄金粟正秋殘
歸鴉自宿江城晚
仗錫仍看海
月寒漣漣不聞松子落
篝燈聊此坐蒲團

釋雪浪洪恩

宿韜光遇雨

竹裡鳴泉繞澗傍
梯雲樓榭入韜光
峯迴鷺嶺三天
竺湖抱孤山十錦塘
林挂綺紈難作佩
河流衣帶不堪裳
蕭蕭夜半西風雨
盡把祇園地布黃

白田喬 萊

戊辰十月遊韜光

更訪韜光寺穿雲細路幽
竹深低鳳尾泉響落龍湫
山色當窻入湖光倚檻收
蒼茫望江海到此足忘憂

黃山程義

丁卯夏同鮑子咄齋遊飛來登韜光作

飛來果奇特一徑又凌霄星斗簷前落原郊水上飄
海晴觀日窟山雨吐虹橋老衲真忘世同君欲結茅
曲阿吳期遠

遊韜光二首

凌虛高閣似瑤臺海氣蒼茫映日開雙眼一空心地
冷此番若爲洗心來

暢觀詩畫高僧冊又見金蓮池上開清福不教君獨

享明朝無事我重來

開原劉德新

登韜光菴

行攀磴道問韜光落落孤峯衲子藏海色湖光一目
盡松聲竹籟四時長雲堂只有雲爲障石室還憑石
作床不識蒲團兀坐者潮音曾否聽錢塘

謝起蛟

韜光和白樂天韻

拾級盤幽徑凌雲別作家溜懸疑滴雨藤蔓欲飛花

池靜魚兼影苔深蘭茁芽山僧閒話久相試雨前茶
客有登樓者探奇此地偏尋幽不覺遠入洞別疑天
濤響松畱雨琴鳴竹過泉仙踪如可接遲月倚窻前

金沙史 岱

遊韜光口占

一日何須懷百憂投閒且向白雲游幽篁古木深山
裏時有鐘聲到客樓

赤鯉金蓮拂檻泉天晴亦雨漚涓涓詩脾慙謝香山
老覓句愁辜玉版箋

步白少傅韻

拊築捫蘿上行尋開士家林深風不煖泉涌水生華
餐飯嘗湯餅山蔬愛筍芽閒翻白雪唱重點志崇茶
釋淨挺

遊韜光

飛來宛轉靈鷲山中有神僧常往還呼猿洞口峰巖
吼冷泉亭畔水潺湲我來登山恣憑吊相對稽生共
長嘯山光無故闌神奇山色自然含至妙扶筇直上
山之巔雷峰一塔在其前葛洪投杖化白鹿呂巖煮

鼎成飛仙左右崗巒千萬變江湖遙望渾一片徘徊
不見舊人民依稀猶是古宮殿極目扶桑東復東蒼
華搖曳日輪紅三千國內天池水十二樓中闔苑風
森森濛濛徧虛白盡是蛟龍之窟宅足底浮沉半斷
雲眼前顧盼皆恠石須臾天際散天花冉冉騰空見
落霞樊子但迷仙子路遊人不共道人家深山山徑
殊杳渺俯仰之間天地小丹楓數點逐冥鴻黃葉一
林戰歸鳥况是霜寒當晚秋蜚蜚野鶴凌浮丘沙汀
零亂涉江渚斗牛迢遞踏滄洲登高不怖豺虎立向

夜只聞山鬼泣噓嗟散髮欲何之願與山靈同出入
釋法韶

同友和韜光禪師韻

多年寄跡此林泉獨坐千巖幾廢眠採蕨綠堪供午
鉢補衣香欲綻秋蓮谿聲帶月歸滄海樹影含星動
碧天却憶家風初不遠况逢知己話樓前

釋彌高

題金蓮池

韜公飛錫在山巔白傅題詩歷有年過客支筇履怪

石居僧伐竹引流泉鐘聲出處還相接山影橫空斷
復聯虎嘯疎林驚鹿走猿啼枯木抱鷹眠晴烟暗長
堦前草疎雨輕開沼內蓮漫說禪心無去住檢書常
在碧漪前

韜光紀遊集卷二

孫岳頌

過韜光題贈山止師

入寺纔通徑穿林却過橋泉聲環石磴竹色擁山椒
塵土腸堪洗烟雲坐可招憑高還極目豁爾面江潮
其二

來訪支公隱應慚是許詢茶烹龍口水酒撥甕頭春
投贈餘篇翰清談見性真精廬今始到世外結松筠
莪山孫勣

遊韜光

月靜溪聲徹樓深客夢還只疑此峯下風雨滿人間
獨鳥啼高樹叢篁響一山江潮起中夜愁思未能閒
廖賡謨

過韜光

烟蘿一徑入僧寮誰冒寒風共寂寥栢子滿庭鋪柳
葉月明人影在空條

婁東王原祁

余扈從至浙復遊韜光訪山止禪兄二絕

金蓮池畔淨無塵修竹依然照眼新精進頭陀何處
去色空應與碧天隣

院主尺公
已辭世矣

沿溪竹石路嶙峋爲訪支公扶杖行挑笋烹茶忘永
晝山窓話盡兩年情

山陽張睿

丁亥四月扈 蹕湖上登韜光用香山原韵二

首

只疑天上路不復辨僧家石洞遺仙竈蓮池噴雪花
息禪臨月窟入定長雲芽客至無烟火泉烹穀雨茶

其二

仄徑千盤上清泉落澗聲人天分世界江海看潮生
日出高峯下雲填萬壑平塵緣日無盡到此得忘情

登韜光訪山止師

老去神能健禪家却愛詩雲烟供嘯傲江海潤心脾
留客青精飯庖蔬玉笋絲山中有至味世俗少人知
三韓法海

游韜光二首

龍宮松竹自青青湖外何人辨醉醒却笑偷閒佟學

士一旬三過冷泉亭

江海連天萬里遙韜光一寺跨龍腰好山不鎖東南
境留與山僧看日潮

珠瑚賈國維

游韜光

羣峯高並此峯無倚檻平看小越都靈爲隱多羅宇
宙光從韜處見江湖松簧竹籟心偏寂海日天風興
不孤坐久頓醒塵土夢一聲清磬裊雲厨

千山佟國瑞

游韜光一絕

步入雲林曲徑斜，翠微深處隱仙家。
山僧供客無他物，一鉢龍孫一盞茶。

申江胡如炳

登韜光賦贈山止師

誰將草木蒙茸處，洗出雲山半面來。
豈有塵埃侵碧嶂，祇容星漢接丹臺。
詩名獨讓香山老，匠手羣推惠遠才。
今日逢師對秋水，可能沾灑及凡材。

查浦查嗣琛

甲申九月廿七日宿韜光作

夜氣初澄萬里秋，尺吳寸越兩悠悠。
忽驚紅日當窓起，天外金光海一漚。

茗溪江發

遊韜光和香山居士原韻

幽溪穿茂密雲際，得山家細浪松間翠。
流珠水面花遠天，雙眼豁暖氣幾叢芽。
登頓頻移坐，僧供雨後茶。襄平佟賦偉

暮登韜光口占一絕

携得茅柴供酒盃扶筇閒逐夕陽來行行且憇溪邊
竹共醉秋風待月回

甲申七月十五夜同友人登韜光望月步韵

翠竹蒼松步步看斷崖絕磴路紆蟠雲脚日墮丘林
黑山缺月明烟水寒泉石何年茅屋小琴書終老褐
衣寬一瓶一鉢齏鹽了好學僧家風味酸

欲待銀盤上翠巒不辭到手酒盃寬十分開鏡金纜
定幾度穿雲輪未安湖水色隣江水白吳山光和越
山寒醉歸小坐溪橋上清影猶留竹萬竿

雅陽王紳

遊韜光

衝炎躡屐恣探幽勝地還來最上頭竹韻泉聲巖際
落江光海色坐中收碧天明月誰能下古澗金蓮此
尚留風雅千秋殊未遠山僧今日是湯休

海昌許汝霖

遊韜光重晤山止大師

州載韜光別山公欣再逢癯容還峭石冷語尚尖鋒
月映千林白虹垂萬丈紅

時有紅光經天

忽思當日伴淚洒

兩三松

滿保

遊韜光二絕

竹風苔磴冷淒淒濕翠全教六月迷不是龍湫千斛
水飛流那到冷泉西

戶外雙峯散午晴江湖分繞越王城何當留宿山僧
榻破曉還看海日生

長沙陳鵬年

巳卯重過韜光用蒙堂甲戌年壁間韻

竹裏窮源欲到天短筇力疾舊無前坐收江海青難
了靜歷林泉境已元大藥豈知殄玉法浮生空憶枕
雲眠丹鑪石榻年年在流水桃花意惘然

韜光卽事和張退菴原韻

竹帶泉聲入天連海色微半晴雲不定偶坐客忘歸
丈室團空翠鈎簾見夕暉堦前靈鷲影歲久欲驚飛
廣陵王式丹

戊寅遊韜光題奉山止禪師

叢篁高蔽日曲笕細通泉最喜稀人跡真成到洞天

佛燈明蘚壁僧磬冷炊烟歎息香山去無人愛種蓮

癸巳孟夏遊韜光菴登閣望江表山色還至

靈隱坐飛來峯下作書呈山公開士

層巖峩嶻俯清流騁目登臨占上頭近郭烟橫不斷
樹隔江山入最高樓窓搖竹色精廬迥門聽潮聲古
刹幽坐翫奇峯不歸去欲移家具住杭州

峯樓程巒

丁亥冬初高且園觀察招登韜光紀遊二律

曲徑蒼筠總畫圖攀躋笑兀倩人扶果然霜葉紅如

滿還覺晴雲淡若無橫列一城當戶牖中分二水夾
江湖浮生到此仙緣近欲向丹臺乞一壺

暉陣松篁響四山山僧鎮日敞禪關從他紅葉爭深
淺一任清風自往還江表銀濤疑是幻石當仙境總
非瓊筍與絕頂盤旋落人在飄飄翠影間

楚州楊開沅

予於丙寅仲冬從師領在瞻夫子南渡甌江
問道南雷黃六一先生之門舟過武林俞彙
嘉猷蔡昆皆為登韜光讀白傅唱酬詩愛翫

池上金蓮不忍去倏忽廿五載偕彙征信斯
二弟讀至舊遊而顧夫子已作古人問俞觀
察後人已不復有知者惟見清流翠竹俯仰
如昔感慨久之山止上人留宿竟夕情話繼
繼晨起望江益增去邑漫成三律並書請正
不自知其有愧前人也時庚寅夏五

登新光

鷲嶺幽尋最上層盤紆石磴耐峻嶒浮空翠竹迷苔
蘚夾道飛泉迸玉水湖海忽從雲外現樓臺疑向

中凭山僧握手不相識二紀重來似未會

留宿枕上偶占

一宿山齋魂夢清晨鐘起處酒初醒石邊鼓吹蛙鳴
競砌畔笙簧蛸曲麈尾有清泉聞地籟更無塵市雜
喧聲勞生到此都成幻詎止知非釋宦情

贈山止上人

清雲袂袂欲逼人從容日夕轉相親白雲蒼狗長過
眼秋水蒹葭迥出塵饑飽伊蒲忘世味詩叅上駟獎
天真招携更躡高峯頂指點滄桑歷幾巡

淮山揚開泰

庚寅夏五宿韜光禪院題

登山倚杖看飛泉心醉禪房半榻眠問法正宜參玉
版拈花應得採金蓮銀濤千里翻江雪紅日一輪起
海天眼底烟雲多變幻老僧識透北峯前
兩峯突兀起樓前一道飛泉界碧天翠竹排巖含宿
雨丹山夾路籠朝烟聞鍾我已驚深省愛酒君能解
醉禪玉笋紅薑皆至味結茅肯許學登仙

白田喬崇烈

雨霽韜光

昔遊辭學确今始坐莓苔峯勢危樓接鐘聲下界來
江湖容勺水鷄犬定仙才信我山緣重當頭雨不開
其二

竹低才掃戶峯冷忽輸雲暝色窓宜受泉聲雨不分
百年饒此夕五字惜無文白首窺先澤橫斜涕欲紛
時展先侍
讀公題句

其三

竹裡穿危磴雲邊見瘦僧鶴飛何處馭龍躍幾時藤

一宿留家笋三生合舊燈異時徵故事身到白雲層
其四

晨興看雨霽萬物各修容浴日如相導炊烟忽小封
兩峯潛傍腋二水遠低胸杖策閒能到無煩遣赤龍
醉里顧嗣立

丙申登韜光山止禪師出冊索題因賦二絕
來往韜光三十年江湖海日故依然僧樓展卷皆相
識半在青真半下泉

一點高峯落碧漣上方懸溜下方連他年願結東林

社莫種金蓮種白蓮

晉陵莊楷

丙申三月朔雪中登韜光山止禪師索題五

斷句

春深三月猶飛雪百丈層巒樹影遮自是山僧愛孤
靜故將寒玉壓桃花

江湖浩淼如杯水城市微茫在掌中稽首問師師不
語半天清籟起松風

閒雲一片護袈裟池畔金蓮又茁芽胸次俗塵消幾

許竹爐松子自煎茶

老夫已覺躋攀倦童子回頭喚不應看爾穿雲最高
頂萬重寒翠一枝藤

藤花葛粉香山句引水栽松老衲詩不恨古人吾不
見曉鶯聲斷綠楊枝

沈元滄

辛巳重九前一日偕友遊宿韜光

翠竹丹崖仄徑通昔年曾宿此山中寒泉聲裡三更
月晚桂香邊一笛風不待逢仙悲往夢久思投社作

禪翁吟戔茗椀消閒日未識高人許我同

三韓吳菁

巳丑暮次香山先生韻

坐久風篁下翛然不憶家江雲連野色佛土綴名花

時山房壯
丹盛開

窓靜留禽哢途紆避笋芽更憐遊賞後酒

渴試新茶

是歲秋日復過山房次韜光禪師韻

幾能了俗向林泉歌脚風軒博畫眠庭有清芬開晚
桂池無絕品綻秋蓮映窓竹好當斜照別岫雲收見

遠天未肯便歸巖下屐待看海月上檐前

微山張蘭

春日過韜光作

長日溪山登覽好宜人新綠正娟妍幽禽隔竹如呼
客級石盤雲欲到天但愛軒窓來遠翠不知開鑿是
何年冷然岩半松風起疑似飛回鶴背仙

楚陽李炳石

己丑夏遊韜光讀白香山倡和二律率呈

山止大師

不辭行確犖路轉到精廬倚檻聽流水開池學養魚
雲收散寥廓竹樹冷空虛頓覺塵心淨名山特起予

其二

逖公飛錫處四面嶺爲屏居士名原貴山僧性本靈
江湖分影白樓閣挿天青戀此那能去北高峯日暝
鄭雲龍

韜光

碧溪新漲水潺湲繞磴烟蘿任意攀一徑修篁忘日
午數聲啼鳥覺心閒何須絕頂憑滄海但得踈林見

遠山路轉峯迴無覓處悠然清磬出重關

夏陽張廷樞

己亥孟冬望日遊韜光

竹翠交加欲蔽天細流百折下甘泉扶筇更上高樓
望江海湖山盡在前

長白花色

同張景峯大司寇遊韜光次韵

最喜冬晴是好天山青紅樹瀉寒泉同來絕頂憑高
望錦繡文章滿日前

張棠

庚子春日遊韜光

百尺懸崖有石臺登臨不憚再三來矮松亂竹舖山
徑惟見清陰滿翠苔

日落山頭月半竿晚鴉飛盡兩峰寒眼中風景渺無
極橫豎高低一例看

潁川劉凡

庚子九月遊韜光

捨輿穿寺頰細路盤青真尋我舊遊處策杖涼風生

修竹緣澗去蔽日變陰晴戲擲白石子擊作寒玉聲
微泉溜遠筧柏葉亂紅英數憩未及門一憩一心清
自歎少筋力幸不減勝情漸近仙人祠幽磬雲中鳴

其二

坐俯金蓮泉不見金蓮花春秋異榮悴往事如搏沙
老僧頭更白小松枝已拿還尋磴道上有屋凌青霞
竹樹仰戶檻盡力不能遮浙江渺猶帶西湖亦樽窪
城中紫陽山委地如浮苴借榻候海日寒卽披袈裟

其三

樹梢露初滴下方雞未競披衣推東窗奇觀發高興
紅日湧如輪海霧青不定瑟瑟江外山微茫出幾稜
惟有十里湖脂水潑明鏡堤柳薄髮梳漁舟纖眉映
我生多探幽此景別清勝禪非枯木冷飾非粉黛靚
坡公狀晴雨西子粧已竟欲看理曉裝須陟韜光徑

汪 澐

遊韜光次香山韻

招提祇共一山門下上悠然靜界分隔樹水光遙映
月環窗石氣每生雲磴廻翠竹陰陰合屐過流泉處

處聞茗對支公翻卷帙空塔黃葉墜紛紛

怡亭汪 濬

遊韜光

松門路曲更尋山緩步幽篁石磴攀雲繞層崖凌樹
頂泉飛百道啟禪關江湖影漾虛亭外巒岫烟低遠
樹間灑憩悠然懷白傅茶甌時伴老僧閒

李 馥

癸卯秋日遊韜光寺作

勝絕古韜光塵心到此忘僧廚分曲澗野徑匝幽篁

放眼江湖小沾衣沆瀣香利名都不繫無夢熟黃梁

蘇 岱

登韜光口占一律

韜光雲裏見竹徑豁雙眸天近山如避風高樹欲秋
橫窻烟靄入傍枕石泉幽况久懷山止遊踪一逗邇
七月十九韜光夜月卽席次韻兼畱誌別

啣杯玩月傍經臺獨愛高僧唱和才臨別催詩敲未
得禪關可許客重開

汪 櫛

庚子初冬登韜光

數里深篁不辨門江光湖影望中分寒泉曲引晴飛
雨小閣空涵月帶雲禪契禽魚當檻會音非絲竹隔
林聞高僧好古哀成帙展卷霏霏玉屑紛

陳恂

辛丑三月韜光訪山止上人二絕并追和香山

原韻一首

尋春閒訪惠禪師六十年來老住持愛向金蓮池上
立韜公詩與白公詩

十五年前到此間詩僧引我上西山

普南學人
桂青人
琴一

去無消息獨倚闌干看鳥還

曲徑通巢塢探幽入梵家高低萬个竹行坐一池花

江海明秋汝風雷醞水芽

茶名

香山有居士愛喫趙州

茶

再登韜光用香山韻

捫參歷井上天門左右微茫湖海分日冷青山千畝
竹池封碧藻一龕雲自慚阮籍輸長嘯共聽鳩摩說
異聞久悟無生求正法滿庭花雨落紛紛

楊遠

庚子秋登韜光

鳥道千盤踞絕巔東南名勝望中偏江湖盡處沙還
白吳越分來地似連戶外風微天影澹溪頭雲淨月
光圓緣知身世皆浮寄擬謝紅塵一坐禪

仙刹年深鶴頂丹名香靜爇對蒲團曉光千頃海門
遠暮靄一聲僧磬寒直影當窻松幾樹疎枝蔭砌竹
多竿柴關久閉無人到祇待三更問嬾殘

朱世楠

庚子秋日登韜光

天然精築雜琅玕石礪秋風錦樹闌極目層岩雲萬
疊何須更向武夷看

蘇公看徧浙西山只有韜光未破慳自是幽奇搜不
盡莫辭清夢到鄉關

湯在恪

讀山止上人詩稿賦贈二絕

澹遠如山葉脫時清真似水沁人脾禪窗讀罷渾無
賴舊學蹉跎了不知

愛聽聲聲細石泉天然幽韻覺心圓從今悟得此中
味輸與生公一着先

宋 鎬

辛卯仲夏遊宿韜光寺作

念載西湖汗漫遊韜光咫尺負丹丘今朝攬勝逢支
遁閒說滄桑事未休

二

偶住山房心骨清金蓮池畔落棋聲淨生但得長來
此一仕心空與月明

仲秋登韜光

有序

歲在辛巳八月二十一日徐楚玉吳岐高王傅霖
及弟瞻菴自桐青來凡六人乘白帝之爽氣踐青
山之舊約緣崖溯溪來登韜光山深景幽桂蕊初
馥迴憶舊游渺焉三載因與同人感聚散之不常
歎歲時之易邁相去不遠來遊甚疎大林之致慨
非虛蘭渚之興懷有以撫弄泉石徘徊不去乃各
賦詩俱踵古韻非敢希韜公之逸響接白傅之流
風亦僅留數字之題用誌一日之勝倘再乘興而

來當各快讀一過

徐珩

蓬萊殊未遠到此已忘家碧澗騰飛雨青山剩野花
林幽涵竹翠瀑急漱芹芽尚有悠然致狂歌漫煮茶

吳翺

叢篠藏蘭若依然隱逸家梵音響天籟禪定落巖花
釀酒開春甕園蔬折露芽共談月桂事汲水再烹茶

王德沛

尋幽爲結伴破曉入仙家路險扶修竹秋深問桂花

名編留好句墊款帶新芽更有陶然處山僧酒當茶

王德洪

清秋乘爽氣勝賞到僧家連袂尋幽谷持杯待桂花
高岑平竹杪止水澈蓮芽不盡悠游意瀕行更乞茶

王德淮

攀蘿來絕頂狂想欲移家牕外雲連石池中水作花
供香留柏子饌客剪蔬芽塵俗都消却驅除不待茶

王德潮

爲乘白帝令來過梵王家禪室偏供酒秋山尚有花

樓憑青玉案池長鬱金芽安得長留此清泉日試茶
和王傅霖兄弟登韜光原韻

吳之昂

投閒來此地我意已無家欲問成丹客爲傳煮石花
攀蘿玩紅日入谷采黃芽絕頂餐金液何須玉乳茶
偶得乘秋興來尋野老家穿雲登石磴迸水長金花
白首傷爲客靈根性未芽只須杯裏物不用解醒茶

釋如航

秋來無所事徐步訪山家路窄支藤杖溪深泛浪花

捫蘿尋古蹟撥草探蘭芽未已今朝興旋烹活火茶
釋聖藏

相攜臨絕頂四顧少鄰家古院空鶯語殘碑半蘚花
禪叅白玉版饌佐紫薑芽爲愛巖前桂因烹雀舌茶
釋慧文

蒼茫雲樹裏隱隱有人家曲徑通幽谷懸崖落瀑花
因風尋桂子過雨覓龍芽長笑襟懷爽題詩漫品茶
釋佛因

亂雲迷去路綠石到仙家松暗天疑雨泉噴雪作花

丹爐定夜氣玄圃長靈芽邂逅如相識山林坐品茶
重九前二日登韜光次韜光禪師韻

釋如航

苾屨竹杖探清泉興卽行行倦卽眠緬想當年鶯囀
處試看今日地栽蓮巖邊虎嘯雲中石池畔龍吟水
底天絕頂我來憑眺望滿懷秋思在林前

釋聖藏

竹陰清寂枕流泉策杖閒行看鹿眠巖峻瀑飛千丈
雪秋深霜倒半池蓮東籬花發黃金甲古院詩留白

樂天暫憩禪林忘物我悟空寧畏虎當前

釋慧文

爲訪韜光一脉泉行行數里看雲眠籬邊玉露催叢
菊池內金風剪敗蓮斷續碑文全積翠參差雁影淡
橫天攀蘿直上高峯頂一望林巒盡口前

次韜光禪師韻

徐珩

偶乘逸興坐鳴泉百慮潛消倦欲眠有意來尋山上
桂無心恰遇水中蓮蒼茫遠樹分晴靄蕩漾湖光洗

碧天憶昔聯床風雨夜時時啜茗小牕前

吳 翹

解纓亭上濯山泉暫借山僧榻一眠好佛因懷白居易
易吟詩還憶李青蓮疎鐘激越遙鳴谷古木陰翳高
蔽天日暮興濃猶盼望歸途緩步鷺峯前

和葦岸諸上人登韜光原韻

吳之勗

竹覩穿雲渡野泉山間石虎至今眠扶筇絕頂觀玄
海憩座方池愛異蓮身已離塵無俗想地當高處卽

壺天禪師白傅遺芳韻幾許游人接武前

王德沛

偷閒半日問林泉喝破黃梁一覺眠龍噴驚看巖際
雪魚行微動水中蓮山深嵐色連修竹氣爽湖光接
遠天蘭若嵩丘知共領拈花微笑話池前

王德淇

來訪靈峯竹裏泉浮雲一洗九秋天懸知禪悅心如
水今識維摩舌有蓮君近重陽飛錫過我曾大醉枕
流眠何當學得西園集諦聽無生怪石前

已卯初夏陪尚桓吳子登韜光遇雨欲留不果
錄示山止上人

性僻耽丘壑層巒不憚過山深雲色重樹密雨聲多
爽氣來高閣花香度曲阿擬將山畔宿新日照烟蘿
雨意留人住晴光送客歸涼風乍披拂紈扇且停揮
竹葉陰初洗溪流水漸肥偶然成勝事欲返倍依依

釋彌高

和王瞻菴居士見示之作兼訂重游

幽谷深藏寺騷人冒雨過鳴禽行聽好飛瀑坐聞多

泉引通茶竈雲歸滿竹阿何時來下榻看月上松蘿
遊覽宜天霽晴開竟欲歸興闌攜杖返詩就把毫揮
雨後溪聲壯雲中山色肥鶯啼留客住衲子更依依

王德洪

喜山止上人見和仍次原韻答之

冒雨經三載乘秋得再過天空青嶂列氣爽白雲多
客坐臨池檻僧歸曲澗阿下山重問訊剝啄破烟蘿
率爾留題後翻然信步歸勝區幽可戀塵事鬱難揮
好句招誠切開緘遞欲肥何須叢桂馥流詠輒依依

翁嵩年

登韜光作

爲避喧煩到此來江湖翠色隱蓬萊黃花未放重陽
過紅葉催人幾度迴絕巘清泉噴玉雪海門初日映
樓臺遙天極望無窮思擺脫塵埃萬事灰
十年不到此山中信步行遊踏碧空老境尚餘脚力
健高峯應共白雲通詩僧苦勸留新咏媿我衰遲意
未工他日卜鄰投轄住蒲團夜坐佛燈紅

盱江魏方泰

甲辰九月朔旦偕同年查浦韜光寺觀日出錄

山止禪師

石逕陰森萬竹間招從卽友到禪關乍開戶曠舒雙
眼湖外城烟江外山
噴水清冷小沼中金蓮馥郁石龍功遲來不及花開
候惟見遊魚戲葉東

濃陰何事翳朝陽五夜空勞問僕行莫謂雲師偏妬
客示人密諦是韜光

是早雲深幕日頃出
雲上已高三丈矣

魏定國

步禱曾經到此間層層丘壑隱雲關為龍信有眠龍
在餘瀝猶流沼上山

兩次禱雨至此皆應

不比當時烈日中私心別欲丐神功撥雲幸是西成
後好現紅輪滄海東

登高逸興近重陽星駕追陪藉鴈行駑馬只緣羈櫪
下日邊徒自羨依光

以官冗未獲從遊惟璟弟偕往

魏希璟

攬勝東南憩此間北高峰下古禪關雲林低送鐘聲
暮滿目烟橫萬疊山

潑墨沉沉曉色中須臾迅掃問誰功山頭漸覺紅輪
現遙識雲歸大海東

門臨潮水看朝陽傳得唐人句幾行今日名流詩滿
篋山僧何處可韜光

魏涵暉

丙午仲夏奉別韜光諸師

我生已結山水緣寓跡武林幾二年遍舟時泛西湖
上屐齒屢拆青峰巔最愛韜光居山脊凌空結撰風
物妍高僧約畧九數輩清淨絕無塵俗牽我來常坐

翠微裏踏石身繞白雲邊汲泉煮茗燒竹笋興來選
韻更談禪海門潮湧朝日出松徑風迴秋葉鮮但逢
佳景早見招不厭百遍相周旋竭來問我欲歸去上
方歛接做離筵慙慙更開桑落酒酒罷淚滴長襟沾
人生聚散亦何常飛鴻點雪真堪憐顧惟盱水與吳
山千里關城指顧間等閒忽憶戴安道芒鞋布襪還
輕便蓮社相逢同一笑入山不費買山錢朝朝並上
登雲閣不是無懷卽葛天

吳煥

高東軒

雲林韜光二首

纔聽雲林古寺鐘喜探幽徑步從容潭深千尺泉應
冷疊翠飛來何處峰

入雲深處竹林幽誰識天光在上頭更上一層初極
目湖山江海望中收

遊韜光菴

絕壁蓮峯迥攀援竹萬竿江湖分一嶺欄檻轉雙丸
舉步春雲斷澄心止水寒不知霄漢近但覺下方寬

遊宿韜光

十年不見韜光面今日相看景又新
仙梵長留清淨土高僧猶識舊名人
嫩篁換籜碧如玉古桂斜根貌帶春
何事微官猶戀戀渡江踰嶺別湖蕁
前身我本逃禪客五十餘年又學禪
耳聽暮鐘揚佛號夜看明月照蒲團
貧遊十載境如幻夢醒三更別有緣
痛築劬勞一杯土靈山依傍願年年

魏允迪

人生駒隙何迅速塵機日日相追逐
我居城市愛湖

山湖外層巒如卷軸山勢極盤迴山行極平陸路入
雲林間幾轉更隈隩有招提在空倪踈鐘杳杳來天
際非復花蹊與柳蹊山僧愛客止客宿斗室茅簷無
跼促雲外分清蒼石罅兮幽咽午正長兮樹搖風夜
將闌兮江浸月一局棋一爐烟拋書倦倚竹根眠美
哉此樂可忘年胡弗與山僧共逃禪冷泉不冷熟衷
腸詞壇復擬獻長揚關山一曲贈行人行人惜別猶
徬徨嗟哉踪跡亦何常朝南暮北任翱翔緘將數語
寄山中此後相思還相望莫道三千驛路長夢魂縹

緲白雲鄉

江左魏麀徵

遊韜光菴和白香山本韻

空林攀石磴塵外有山家
玉版來參竹金蓮憶放花
袖歸雲引族趺坐草藏芽
若許陶潛飲相過更品茶
韜光菴用蘇長公遊靈隱高峰塔韻

巢塢邈何所理屐晨趨裝
願續白傅遊蕭蕭天風涼
尋從靈隱屏竹磔寒葩香
飄然陟層梯似入無人鄉
遐覽盡奇曠漸江如綫長
鳥託雲際窠禪棲自常羊
幽奧列壑間仙馭時迴翔
西湖湛一曲海粟空微茫

引泉到山厨煮石充齋糧池中金蓮花十丈垂丹床
子結若淨餅妙化思徬徨老僧同吟癖相對澄冰霜

海昌陳善

庚午秋九遊韜光菴步白香山韻

爲訪韜光勝因過惠遠家天香問翠竹霜葉伴黃花
仙閣疑蓮湧蔬盤供蕨芽正酣旨酒熱又進趙州茶

又

探奇登峻巘信步頓忘家月色侵飛閣溪聲瀉落花
湖山含碧翠草木絕萌芽秉燭開佳什清芬可侑茶

陳善

宿巢塢卽景用韜光禪師韻

臨巖鑿石引清泉山徑人疎白鹿眠或下或高溪畔
竹時開時落水中蓮牕迎旭日千林曉樓對晴江尺
五天驚嶺亦知幽隱地飛來鼎立兩峰前

廣陵張瑜琪

宿韜光菴和白香山韻

登臨忘日暮息足憇僧家隱現穿林月扶疎秋九花
朝雲江湧雪旭日海生芽幸遇高陽輩酣呼不用茶

程陳錫

遊韜光

曲磴少人跡雲窩步步深
疎篁隨處植飛瀑自然吟
日靜心千古風虛禪一林
從茲塵相釋長向個中尋
辛未春日用香山韻

危巖堪曳杖挾伴訪僧家
深沼涵金鯉空庭覆碧花
藤蘿未引蔓筍蕨已抽芽
我亦營營者於焉一試茶
陳潔

遊韜光

虛室迥人間蒼茫竹樹環山僧常寂歷野鳥只緝蠻
石罅飛泉冷松梢落照閒翛然聊憇足我意已忘還
去憑空浮盡世間情

程元京

辛未春暮遊韜光一絕

高巒斜插與天平春樹青青策杖行若遇白雲乘我
由拳邵式誥

乙亥春過韜光菴

曲房臨絕巘萬象隔雙林留客分茶供談詩雜偈心

風和香篆直雲起佛堂陰珍重參寥句塵懷未許尋
鴛水范長發

和白香山本韻

石磴雲迷路山深別有家細泉通竹徑老樹蔓藤花
天上金精飯人間玉笋芽歛棊忘漏永帶月煮新茶

榆陽趙之均

一逕支筇入白雲深處生山高塵跡少坐久俗情清
叢竹天難見懸崖瀑自鳴更登極閣望江海接湖平
趙之坊

木末懸高寺松筠繞逕多名山何處是勝地偶經過
海岱窮難極江湖靜不波冷然發長嘯身世在烟蘿

芙山宋瑾

癸亥秋八月海昌許悔齋隱君六袞避跡韜光
錢唐施贊伯徐堅石秦開地沈岸先貴池吳子
政偕余躋訪杖履所至興味翛然山僧赤玉山
止亦復古道照顏風雅絕俗誠一時良會也施
徐兩君各和白香山原韻二律余媿不能詩亦
曰聊藉秋茶代彼春酒云爾

韜光爭似昔刺史又誰家轉盼階移月相看鬢已花
禹籐仍錯節堯韭復勾芽底事千秋話低徊謾品茶

鬚眉疑九老杖履暫浮家靈隱山含玉韜光月吐花
姓名知艸木道器有根芽得句聯深夜還烹活火茶

登鷲嶺觀曉日志感

鍾山紫氣散黃昏

靖難兵入金川門建文遜荒暮宿神樂觀

長夜漫漫此

覆盆瞥見瞳矐呈五彩卻疑啣火炤天門

遜國遺踪視天夢夢

中秋坐月微雨重開同人復策杖冷泉亭移飲

石梁賦懷

雨洗清光下碧天白雲穿處倍娟然龍鱗萬點畱遺

恨爭似重輪泛影圓

建文有咏新月詩

韜光紀遊初集

孫益鵬

韜光同張大孫鳳關大全美步白香山韻

半曛纔拾級出沒見僧家已踏數林竹還遮幾樹花

鷄栖高殿脊猿食古藤芽一縷厨烟起應烹待客茶

張孫鳳

崎嶇纔歷盡此地可爲家不住聽流水還宜數落花

香飄蝴蝶粉烟鎖牡丹芽坐久衣沾濕癯童來勸茶

關全美

白雲留我住幽賞不歸家促織啼碑縫遊絲惹木花
藤蹊牽舊葢椒蓋護新芽聊以永今夕還聽鐺沸茶

顧 嗣

九日韜光示山公

鷲嶺登高去峯高木葉稀亂雲出遠岫飛雨到禪扉
松定泉聲落山清月色微幽人如有意竟夕豈言歸

摹刻韜光詩文小引

環湖而刹者以十數韜光最勝自靈隱入磴路幽
圻工則江山森羅氣象開豁石壁出泉琤琮作風雨
聲靜憩少時令人名利之心頓盡真佳絕處也白白
惠留題後遊者率有製作今住持僧所蓄詩詞記銘
不下五百餘首懼楮素易漫滅久而失傳將梓爲一
集而難其費謀於余余曰是易耳凡留詩文者孰不
欲傳孰不樂與古人並傳計此剞劂之事不過斤金
可了儻來此者或乍遊或舊遊若已作若未作各捐

少資助成勝事既爲古人謀亦自爲謀策之甚便試
號於衆當有應者如或不信請以余爲嚆矢

康熙乙丑仲冬吳江潘耒題於飛雨軒



